

چیزدک محاکمات

جمعه ایرتسی

بومرو	رمضان	سنه	مابیس	سنه	صحیفه
۴۴۵	۸	۱۳۰۵	۷	۱۳۰۴	۴۹۳۸

(اشبو غزته بهر هفته جمعه ایرتسی کونلری چیقار سنه لکی درسعادت ایچون مجیدیه یکریمی)
(غروش حسابیه التمش غروشدر طشره لر ایچون اون بش غروش پوسته اجرئی ضم اولنور بهر)
(نسخه سی بنه مجیدیه یکریمی غروش اولق اوزره یوز پاره به هر یرده صاتیلور درج اولنه جق اعلاناتک)
(هر برندن برمجیدیه اخذ اولنور سنه لکنه مشتری اولق استیانلر عدلیه نظارتی داترسنده کاتن)
(جریده محاکم اداره سنه مراجعت ایلملیدر)

مناستر ولایتی استیناف محکمه سی جزا دائره سی
رئیس عزتلو زهدی افندیه رتبه ثانیه صمصاف
ثانیسی توجیه بیورلشدر

قسمت

توجیهات

(فی ۲۹ شعبان سنه ۳۰۵ وفی ۲۸ نیسان)
(سنه ۳۰۴ تاریخیه مأمورین محاکمه سنه دائر)
(اولان نظامنامه به ذیل اولق اوزره قلمه)
(النوب مرعیت احکامنه بالا ستیزان اراده)
(سنیه حضرت خلافتیناهی شرفتعلق)
(بیورلش اولان فقره نظامیه صورتیدر)

نظاماً اجرا قلنان تحقیقات اولیه اوزرینه خدمت

اطنه ولایتی استیناف محکمه سی مدعی عمویلیکی
انقره بدایت محکمه سی جزا دائره سی رئیس
طیب افندیه
انقره بدایت محکمه سی جزا دائره سی ریاستی
اشقودره ولایتی استیناف محکمه سی مدعی عمویلیکی
عزت بکه

مأموره لرندن طولانی محاکمه لرینه لزوم کوریلان
قضاقا مقاملری بالاستیدان شرفتملق بیوریله جق
اراده سنیه اوزرینه تحت محاکمه الی نورل

(فی ٢٤ شعبان سنه ٣٠٥ وفی ٢٣ نیسان)
(سنه ٣٠٤ عموم ولایات استیناف مدعی عمو)
(میلسکرینه تسطیر اولنان تحریرات عمومیه)
(صورتیدر)

شقاوت مستمره اصحابندن برطاقم کسانک بعض
محلرجه عساکر شاهانه معرفتیه دردست اولنه ورق
حکومه تسلیم ایدلدکری حالده کیمسنک صالحیور
لمکده و کیمسنک دخی سابقه تسلیمه فراره یول
بولقده اولدقلرندن بختله بعدما بوکبی حالته میدان
ویرلامسی حقنده مقام سامی سرعسکریدن سبق
ایدن اشعار اوزرینه اولوجهله ولایات ایله الویه
مستقلیه تعمیماً اجرای تبلیغات ایدلدیکی بیانیله
نظارت ثنوری یهده اجرای ایجابی داخلیه
نظارت جلیله سندن اشعار اولمشدر شقاوت
مکرره ومتواتره اربابندن اولوبده دردستلریله
محاکم حبسخانه لرینه تسلیم ایدیلان اشخاصک
قوانین عدلیه یه توفیقاً تحقیقات ومحاکماتک وقت
وزمانیه اجرا وترتب ایده جک مجازات قانونیه نک
سرعت ایفاسی نقدراهم والزم ایسه اشبو وظیفه
مهمه نک ایفاسی خصوصنده تجویز بطائت ویاسوه

استعماله جرأتلری تبین ایدن مأمورین عدلیه نک
اونسبتده قویاً وشهداً تحت مسؤولیتهملمری
مقرر بولندیغندن اولبابده لایقیه بغای وظیفه یه
اعتنا اولنسی لزومی بالجمله محاکم استینافیه مدعی
عمومیسکرینه توصیه واطظار وانسبوتحریرات
عمومیه نک نسخ عدیده کافیه سی لغتاً طرف
شریفلرینه ده تسیار قلمغله دائره مأموریت بهیهدری
داخلنده دخی برمنوال محرر حسن اجرای
وظیفه یه دقت اولنسی سیاقنده شقه محبی ترقیم
قلندی

(تشکیلات محاکم قانونک قرق طقوزنجی)
(ماده سنه علاوه اولمق اوزره مرعیت احکامنه)
(بالاستیدان اراده سنیه حضرت خلاقیناهی)
(شرفتملق بیورلمش اولان فتره قانونیه)
(صورتیدر)

بدایت واستیناف محکمه لرندن صادر اولوب
رأساً واستندا اوزرینه تمیز اولنان بالجمله
اعلاماتک اثنای تمیزنده برسنه ظرفنده بر
محکمه دن ورلمش اولان اعلاملک نصفی محکمه
تمیزدن نقض ایدلدیکی حالده اول محکمه نک اصلاحی
تمیز ریسلری بامذکره نظارتدن طلب ایده جک

ونظارتده قاعده سنه توفیقاً بالاستیدان محکمه
مذکوره هیئتی تبدیل ایده جکدر

فی ٢٩ شعبان سنه ٣٠٥
وفی ٢٨ نیسان سنه ٣٠٤

قسم غیر رسمی

محکمه تمیز استندا دائره سی

برجنجه دعواسنک اوزون برمدت سورنجمده ده
براغلمسی و تحقیقات اکیال ایدلمش ایکن محاکمه نک
اجرا اولنماسی ومدعی عمومی ومدعی شخصی
وشاهدلرندن بعضیلری برقاچ دفعه محکمه یه کلش
اولدقلری حالده غیباً رؤیت دعوی قلمماسی
شبهه بی داعی اسباب مقبوله دن اولغله نقل
دعوی موجب اولور

بیرونده ساکن سلیم فرانسیمی نوری طرفندن
محکمه تمیزه تسیار اولنان ١٤ مایس سنه ٣٠٣
تاریخی نقل دعوی استندا نامه سننده کندوسنی

صورت علنیه ده ضرب و شتم ایدلدیکی تحقیق ایدن
موسی فریج افندی تصاحب اولنه رق اوراق تحقیقیه
ضایع ایدلدیکی کبی اخیر تجدید دعوی و تحقیقات
اولمش ایکن سنه بعض اسباب غیر مقبوله ایله
محاکمه سی تأخیر وتعویق ایدلمکده اولدیغی و بناء
علیه بیروت بدایت محکمه سنه امنیت اولدیغی
بیانیله دعوی واقعه نک دیگر محله نقلی استندا
وباش مدعی عمومیلک مأموریت علیه سنک
٢٦ تموز سنه ٣٠٣ تاریخلی مطالعه نامه سننده
بواشده اوراق ضیاعی وامضاحکی وحقوق
عمومیه دعواسنک تأخیر وتعویق کبی شکایت اولنان
احوال شبهه بی داعی اسباب مقبوله دن بولندیغندن
بختله اصول محاکمات جزایه قانونک در تیوز او توز
دردنجی ماده سی موجبجه نقل دعوی لزومی بیان
وانبیا اولنسی اوزرینه ایشک صورت جریانی ایله محلی
مدعی عمومی سنک بوبابده کی مطالعه سنک استفساری
بالتنسیب مذکره ورلمش ایدی بو کره بیروت
مدعی عمومی معاوندلرکنندن وارد اولان ١٨ تشرین
ثانی سنه ٣٠٣ تاریخلی مطالعه نامه ده اوراق
تحقیقیه نک محکمه ده ضایع اولدیغی ومجدداً
تحقیقات اجرایی لزومی سلفی طرفندن مستطقه
بیان ایدلمسی اوزرینه تکرار تحقیقات بالاجرا
محکمه یه ورلمش ایسه ده مفقود اولان اوراقک
محکمه یه ورلدیکنه دائر محکمه دفترنده قید اولیوب
مدعی عمومی معاوندلرکننده مخصوص دفترده ١٣
کانون اول سنه ٣٠٢ تاریخنده محکمه یه ورلدیکنه

دائر اولان قیدک حذاسنده موضوع امضا مؤخرأ
 سیلمش اولدیغی مجدداً تنظیم و محکمه به اعطا اولنان
 اوراق اوزرینه محاکمه نك صره سی کلدکده
 طرفین محکمه به دعوت اولتمش ایسه ده مظنون
 علیه ک جبل لبنانده بولندیغی و مخبر لک
 بولدیله مدیغی جهتله مظنون علیه ک دعوتنه
 قدر دعوانک تأخیری طلب اولندیغی جهتله
 محکمه دن امنیت سزاک بیاننه محل اولدیغی درمیان
 اولتمش اولوب انجیق اوراق مجسوت عنهانک
 اولصورته ضیاعی ایله برابر قیدینک سیلمشی
 ودعوی مادی برجنجه درجه سنده اولوب برسنه
 مقدم اقامه اولتمش وایکی دفعه تحقیقات اجرا
 ایلمش ایکن هنوز محاکمه سنک اجرا ایلمامسی
 و کوندریلان ضبط دعوی صورتدن اکلش لیدیغی
 اوزره مدعی عمومی ایله مدعی شخصی و شاهدر لک
 بعضیسی برقاچ دفعه محکمه به کلش اولسیله دعوانک
 غیاباً رؤیتی حکم قانون اقتضاسندن ایکن کوندن
 کونه تعلیق ایلمسی شبهه بی داعی اسباب مقبوله دن
 کورلمش اولسیله ماده مذکوره حکمنه توفیقاً
 دعوی مجسوت عنهانک قدس شریف بدایت
 محکمه سی جزا دائره سنه نقلنه ۷ مارت سنه
 ۳۰۴ تاریخنده متفقاً قرار ویرلدی

(قند یلیده کوچک صوجو رنده حکیم باشی)
 (چفتلیکی مراسم داخلنده واقع بغچه نك)
 (مستأجری ارکر یلی فوطسی ایله شریکی)
 (دیمتری ویناشمه لری واسین و نیقوله نك)
 (بیتوتت ایلدک لری کلبی لیلو مسلماً)
 (باصوب قتل و احراق اجرح و غصب)
 (فعلارینه جرئت ایتدک لری ادما اولتمسندن)
 (طولای مظنون علیه اولان قندیللی)
 (قریه سنده ساکن یکر می و ج یا شنده)
 (کنقریلی باغچی مصطفی بن ولی و یکر می یدی)
 (یا شنده کنقریلی قوش اوغلی حسین و یکر می)
 (ایکی یا شنده کنقریلی علی اوغلی مصطفی نام)
 (شخص لره ازمنه و محال متعدده لیل)
 (و مسلماً قیو و پنجره بی قره رقی جراً اجرا ایتدک لری)
 (سرقتلرده مرقومون ایله برابر مظنون علیهم)
 (اولان یکر می یدی یا شنده رنجبر سینوبلی)
 (حسین بن صمائلش و اووز سکز یا شنده)
 (زغره عتیق مهاجر لرنن قوری صالح)
 (اوغلی قره حسن و یکر می سکز یا شنده کنقریلی)
 (سودجی کامل بن علینک محاکمه علینیه لری)
 (ضبطنامه سی صورتدن مابعد)

(ایکنجی محاکمه)

(هیئت کافی السابق موجود)

یوم مذکورده هوانک مخالفتنه مبنی اجرای

محاکمه قابل اوله میوب شهر مزبورک اوتوزنجی
 جمعه ایرتسی کونی مدعی عمومی موی ایله
 خالد بک ایله مدعی شخصیلر و وکیلون موی
 الیهم حاضر اولدقلری حالده متهم لقانون دائره سنده
 توقیفخانه دن جلب ایله دوام محاکمه علینیه به
 بالابتدار مدعی عمومی موی ایله طرفندن اعطا
 اولنان پوصله ده اسامیسی محرر اولوب استماع
 اولندقلرن دن ماعدا ورود ایتش اولان کنقریلی
 مخبر سلیمان بن کامل ایله پولیس قومیسری
 حسام الدین و پولیس چاوشی غالب و مرکز
 پولیس قومیسری وهبی و اسکدار توقیفخانه سی
 مدیری حاجی حلی افندیلر و ژاندرمه نقری جدی
 و سرغاردیان صالح اغار و پولیس حسین شوقی
 افندی و بقال دیمتری و بقال کریم اغا و اسکله
 مرکزی قومیسری شا کر بک و پولیس قومیسری
 علی رضا افندی و خفیه عبدالله اغا و چو ملکچی
 پراشکوه و رنجبر کنقریلی خلیل دائی و قهوه چی
 حسن چاوش قانون مدذ کورک ایکوز التمش
 سکزنجی ماده سنه توفیقاً بعد التخلیف منفرداً
 و مواجته استجواب و استماع اولندقلرنده بونلردن
 کنقریلی مخبر سلیمان بن کامل بر خصوصندن
 طولای تحت توقیفه النوب اخیراً سبیلی تخلیه
 اولنه رقی کندوسبله اوچ کشی اولدقلری حالده
 کفالتله ربط اولتمق اوزره مأموره ترفیقاً قندیللی به
 کلیمکده لرایکن برجنازه به تصادف ایتش و اوراده
 بولنان قادیلر دخی بونی بیان اللمدن بولسون

دیوسویشمکده اولدقلرینی ایشتمش اولغله ارانه
 کفالت ایتدکدنصکره هر اوچی دخی حسن چاوشک
 قهوه خانه سنه کتدکرنده اوراده بولنان بوسنبوبلی
 حسین یانسه کلدک لری کچمش اوله دیدکدنصکره
 کوردیکی جننازه دن طولای بونی بیان کیمدر
 دیومرقومدن سؤالنده خدمه شعبانک اخشام
 قوش اوغلی حسینک یانسه کلدیکندن بحثله بواشی
 انلرک یامش اوله جغنی سویدلیکنی بیان ایتمکله
 مدعی عمومی موی الیه ک و قوعبولان طلبی
 اوزرینه دائره استنطاقده ضبط اولنان افاده سنندن
 دهها دیگر معلوماتلری اولدیغی اکلش لمتده
 و حضور محکمه ده ایسه سونلماکده اولدیغندن
 بونلری دخی سویشمی مرقوم سلیماننه تنبیه و اخطار
 اولندقه اوچ ماهدنبر و خسته خانه ده خسته
 یاتمه ده و بوجهته عقی یا شنده بولنماقمده اولدیغندن
 افاداتنی خاطر لیه مدیغنی سویدلیکنندن مضبوط
 افاده سی قرائت اولندقه خلاصه سی تاریخ
 افاده سنندن تخمیناً اوچ ماه اول خدمه شعبان
 و قوش اوغلی حسین و ولی اوغلی مصطفی
 و سینوبلی حسین ایله دیگر ارقداشلرینک برکیجه
 چنکل قریه سی جوارنده بغچوان کلبه سنی باصهرقی
 و بغچوانلری یاره لیه رقی اوتوز لیرابی متجاوز
 اقله لرنی سرقت ایتدک لرنی ایچلرنندن سینوبلی
 حسینک کندوسنه سویدلیکنی و سویشمنه سبب
 ایسه خاطر نده اولمیان برجهه کونی کو کصوچارنده
 سینوبلی حسینک اوزرنده یکی پانظلون و سائر

کور دیکندن و او کونلرده زیاده فاحشه کتور ملرندن
 بو پارلری زه دن بولور سنک دیمسی اوزرینه
 اولجه هم شهر یلرندن اون بش مجیدی الهرق انکله
 مبايعه ایتدیکنی و اخیراً التیوز الی غروش بریردن
 کلدی دیو سولسی اوزرینه کندوسی دخی تکرار
 سؤالنده بروجه محرر بچوان کلبه سنی باصوب
 الدقلرینی حکایه ایلدیکنی و اخیراً بر کجه دخی
 بونلرک کو کصوده بر کلبه ده باصه رق ایکی
 نفر بچوانلری پاره لیوب اون مجیدی قدر پارلرینی
 الدقلرینی اوکی انشته سی بولندیغنی جهته ولی
 اوغلی مصطفادن ایشندیکنی و بوندنصکره خاطرنده
 اولیمان براخشام ساعت یارم قرارلنده قره
 حسن و کامل و مصطفی ایله بوجه کوره مدیکی رفیقلمی
 وانی قریه سندن برقایغه راکباً ارنبود قریه سنه
 کیدوب فرداسی صباح بونلرک برازی بیکن
 و برازی دخی ارنبود قریه سندن قندیلی و وانی
 قریه سی اسکله لرینه چیقدقلرینی و مؤخرأ کندوسی
 برایشدنطولایی تحت توفیقه التوب کو کصو
 وقواتنک فرداسی سبیلی تخلیه اولنهرق قندیلی به
 کلمکده ایکن حکیم باش چفتلیکننده بچوانلق ایدن
 فوطینک جنازه سنه تصادف ایتدکدنصکره
 حسن چاوشک قهوه خانه سنه کتمکله سینوبلی
 حسیندن ایشی سؤال ایتدیکننده بو کجه خسته
 خانه ده کی شعبان قوش اوغلی حسینک یاننده
 کلدی مطلق انلر یایدی بو ایشی دیدیکنی و اوچ
 کون صکره بر بازار کونی حسن چاوشک

اولدیغنی صورلدقده کندوسنک ایسه ده شمدی
 خاطرندن چیمش اولدیغنی جهته افاده و بیان
 ایده مدیکنی سو یلدی و کیلرندن کیر قورقلا یجیان
 افندی مخبر مرقوم هم عقلی باشنده اولدیغنی و همده
 قرائت اولندان مضبوط افاده سی مندرجاتی
 کننوسنک ایدوکنک سولیکده اولدیغندن بوبانده
 کی مقصدی نه ایدوکنک سؤالی و مدعی عمومی
 خالدک دخی سلیمان مضبوط افاده سنده خدمه
 شعبانک کندوسنه یعنی المسنی تکلیف ایتدیکنه
 و متهملرک برطاق اولدقلرینه دار سوزلر بولندیغندن
 شمدی کتم معلومات ایتدی خسته لکدنمی بوخسه
 بشقه برسیدن می نشأت ایتدکده در بورالریک
 استیضاحنی طلب ایتلرله بوجهلر مرقوم سلیمان
 صورلدقده فی الحقیقه برکون حسن چاوشک
 قهوه خانه سننده اوتور مقده ایکن خدمه شعبان
 کندوسنه بریمی المسنی تکلیف ایتکله کندوسیده
 پاره سی اولدیغنی سو یلدیکننده مرقوم شعبان ای اوغل
 طوپنی بکا اوتوز مجیدی دوشدی دیدیکنی و متهملردن
 ولی اوغلی مصطفی و علی اوغلی دیگر مصطفی ایله قوش
 اوغلی حسین و کامل بریده یاتمده اولدقلرینی بیان
 و متهملردن قوش اوغلی حسین دخی مخبر سلیمان
 مقدمه کندولرینک یاننده یاتمده اولدیغنی حالده
 مؤخرأ حکومت طرفندن وقوعبولان نسیه و جهله
 مرقومی یانلرندن چیقاردقلرندن ناشی علیه لرنده
 مفتریانده بولتمده اولدیغنی و مرقوم سلیمانک یاننده
 یانیدیغنی مهاجر رجب و دیمتری و اوسته نيقولی

و مصطفی نام شخصلر ایله چيله سلطانتک اغاری
 یلدیکنی اتیان ایتلرله مرقوم سلیمان کرچه
 مملکتدن کلدیکی زمان ایکی آی قدر مرقومونک
 یاننده یاتمش ایسه ده اخیراً کندوسی قولدیغندن
 ناشی یانلرندن چیقدیغنی و مدعی عمومی مومی ایله
 دخی بوحال غرض انتاج ایدر برشی اولدیغنی
 در میان ایلدیلر و کیلرندن امین افندیکنک طلبنه مینی
 متهمله قرابتی اولوب اولدیغنی و وار ایسه
 درجه قرابتی نه ایدوکی مخبر سلیمان صورلدقده
 متهملردن ولی اوغلی مصطفانک قریه سی قزیمی بوخسه
 خاله سی قزیمی یله مدیکی بر اقباسی کندوسنده
 اولدیغنی بیان و مدعی عمومی مومی ایله دخی
 بودرجه ده کی قرابت مانع شهادت اولدیغنی
 در میان ایلدیلر پولیس قومیسری حسام الدین
 افندی دخی متهملرک افاده لرینی ضبط ایتک اوزره
 کندولری مأمور تعیین ایلدش اولدقلرندن انشای
 تحقیقات و استجوابلرنده مرقوموندن ولی اوغلی
 مصطفی اولاً انکار تهمت ایتدیکی حالده اخیراً
 تحویل لسان ایله متصرف پاشا حضورنده
 بریغورلی کجه ساعت الی قرارلنده قوش
 اوغلو حسین و قره حسن و کامل اوچی برلکده
 کیدوب ایکی ساعت صکره بونلردن قوش اوغلی
 حسین اوستی باشی یاش و چامورلی اولدیغنی حالده
 عودت ایتدیکنی و فرداسی صباح حسن چاوشک
 قهوه خانه سنه قوش اوغلی حسین ایله برلکده
 کتدکارنده بچوانلرک قتل و احراق اولندقلرینی

ایستمکه سؤالنده مرقوم حسین بواشی بزایدق
دیدیکنی بیان ایتمکه افاده سنی ضبط ایتدکربنی
وسینوبلی حسین دخی کذک اولاً عدم معلومات بیان
ایتدیکی حالده اخیراً مخبر سلیمانک افاده مطبوظه سنده
بیان اولندیغنی اوزره وقوعاندن برکون اول خدمه
شعبان قوش اوغلی حسینک یانه کلوب قونشمسندن
بواشی انلرک یامش اوله جغنی ظننده بولندیغنی
مرقوم سلیمان سوبلیدیکنی اعتراف ایتدیکندن
مرقوم افاده سنی دخی ضبط ایتدیکنی و متهملردن
ولی اوغلی مصطفی کندوسندن اوتوزلیر ایستیا
نلردن بریده بو حسام الدین افندی اولدیغندن افاده سنی
قبول ایله میده جگنی وسینوبلی حسین دخی کذک
علیهنده مقرر یاتده بولتمقده ایدوکنی درمیان ایتلریله
حسام الدین افندی یالکز اولدیغنی حالده می
مبلغ مزبوری کندوسندن ایستدیکی ولی اوغلی
مصطفی دن صورلدقده اوچ درت کشی اولدقلمری
حالده ایسته مش اولدیغنی سوبلیدی

پولیس چاوشی غالب افندی دخی متهملرک افاده لرینی
کندوسی ضبط ایتدیکی جهتمله مرقومونی طابیدیغنی
بونلردن ولی اوغلی مصطفی اقرار تهمت ایتش ایسه ده
کندوسی مرقومک اقرارنده حاضر بولندیغنی
جهتمله اندن معلوماتی اولمیوب فقط بونلردن سودجی
کامل ایشک طوغریسنی سوبلیه جگنه دائر خبر
کوندرمش اولدیغندن توقیفخانه دن کتوردیلرک
استجواب اولندیغنده برصباح محلاتده سود
صاتمقده ایکن متهملردن قوش اوغلی حسینیه

ایلاک کونی قوش اوغلی حسینک یانه کلوب
قونشمسندن شبهه لنه رک بواشی احتمالکه انلر
یامشدر دیدیکنی افاده و بیان ولدی السوال متهملردن
سینوبلی حسین کندوسی او بولده بر افاده ده
بولندیغنی اتیان ایلدیلر شهود مرقومه دن اسکدار
توقیفخانه سی مدیری حاجی حلی افندی ایله ژاندرمه
نفری جدی و سر فار دیان صالح انا و پولیس
حسین شوقی افندی دخی علی الانفراد وبالواجه
استجواب اولندقلرنده مدیر حاجی حلی افندیک
سوالی اوزرینه متهملردن ولی اوغلی مصطفی نک
قوش اوغلی حسین و علی اوغلی مصطفی و خدمه
شعبان انله کندوسی دردی برلکده اولدقلمری
حالده کیچیلین بغچوانلرک کلبه سنه کیدوب
کندوسی ایله علی اوغلی مصطفی قپونک
طیشاروسنده طوره رق قوش اوغلی حسین ایله
خدمه شعبانک ایچرویه کیردکربنی و محل مزبور
طولانباچ اولدیغنی جهتمله درون اوده نه یایدقلمری
کوره میوب فقط طیشارویه چیقدقلرنده کندوسنه
اوج مجیدی و بردکربنی و سودجی کامل و قره حسن
وسینوبلی حسینک بواشیده برابر اولدقلمری اعتراف
و بیان ایتدیکنی و سودجی کامل دخی ولی اوغلی
مصطفی نک اخبار اولندیغنی و جهتمله توقیفخانه ده
اقرار تهمت ایدوب حتی کندوسنک مدخلی
اولدیغنی دخی سوبلیدیکنی بیان ولی اوغلی
مصطفی دخی بونلر کاملدن اوچر مجیدی الهرق
کندوسی یاقدقلمری افاده ایتلریله مدعی عمومی
خالد بک شهود مرقومه دن حسین شوقی افندی
پولیس دائره سنده ضبط اولنان افاده سنده قوش

اوغلی حسینک دخی اعتراف جرم ایتدیکنی تضمین
ایدر زمینده برسوزی اولدیغندن بوجهتمک دخی
استیضاحنی طلب ایتمکه ولدی القرائه مرقومک
دائرة استنطاقده ضبط اولنان افاده سنده قوش
اوغلی حسینک دوشمنم اولسه یاقام کامل بوغیدی
کبی برسوز سوبلیدیکنی ایشتدیکی محرر اولغله
بوابده کی معلوماتی صورلدقده قوش اوغلی حسین
ایله برسوز سوبلیدی کبی اکلامش ایسه ده
لاقیقه ایستیده مدیکی جهتمله ایوجه کسدره میه
جگنی بیان و افاده ایلدی بقال دیمتری دخی
متهملردن ولی اوغلی مصطفی ایله علی اوغلی
دیگر مصطفی و قوش اوغلی حسین امانه حفظ
ایتمک اوزره کندوسنه پاره بر قوب مؤخرأ
بونلردن ولی اوغلی مصطفی پاره سنی الهرق دیگر
لرینک پاره سی نزدنده قلمش اولدیغندن اسکدار
امانت دائره سنه تودیع ایلدیکنی و بونلردن علی
اوغلی مصطفانک ایچه سی ایکی عدد عثمانلی لیراسی
ایله اوچ یوز قرق سکز غروش مجیدی اولدیغنی
وقوش اوغلی حسینک پاره سی دخی اوج عدد
عثمانلی لیراسی ایدوکنی سوبلیمکه اشبو پاره لری
مرقومانک قنغنی تاریخده کندوسنه تودیع ایتدکبری
ورجائی افندیک طلب واقعی اوزرینه دخی
بومتهملرک بشقه دفعه دخی حفظ ایلمک اوزره کندوسنه
پاره بر اقوب راقدمقلمری صورلدقده تاریخلر
خاطرنده دکسه ده بونلردن ولی اوغلی مصطفی
تحمیناً اغستوسده و علی اوغلی مصطفی ایلولده

براقش اولدقزینی و بونلر بشته وقت دخی کندو سنه حفظ ایتک اوزره اچیه و برمش بولندقزینی بیان و تمهلردن علی اوغلی مصطفی دخی کرچه بقال دیمتریده محفوظ اچیه سی وار ایلیسه ده خوفدن ناشی اسکدارده کتم ایلیدیکنی درمیان ایلیدیلمر بقال کریم اغادخی تمهلردن قوش اوغلی حسینک کندو سنده بش عدد عثمانلی لیراسی امانت اچیه سی اولدیغندن اسکدار دآره امانته تودیع و تسلیم ایلیدیکنی و اشبو اچیه دخی اغستوس ایچنده و برمش ایلیوکنی سویادی اسکدار اسکله مرکزی قوه بیسری شا کرک دخی تمهلرک افاده لری کندولردن مرکب تشکیل اولنان قومیسون معرفتیه ضبط اولدیغی صروده ولی اوغلی مصطفی ایله سودجی کاملک بوجه محرر اقرار و اعتراف قهت و بیان معلومات ایتدکلردن کندولریده مذکور افاداتی ضبط ایتش اولدقزینی و اخیراً کندوسی تمهلرک اقامتکاهلرینی تحری ایتدیکننده اوراق تحقیقه میاننده بولنان دفترده کوستریلان اشیا ظهور ایش اولدیغنی بیان ایتکله مدعی عمومی مومی الیه اشیا مذکورونک و قتیله تحت تمهیره انهرق تحری و ضبط معامله سی قانون دآره سنده ایضا قلمنامش اولسنه هینی شاهده ارانه سیله بولدقزنی اشیا بونلر میدر بونلر ایسه طون و نیتنده کی لکه ل بولدقزنی صروده کوردکلری حالده میدر بورالینک سؤال و استیضاح قلمسنی

سویلیکله اسکدار دآره امانتندن کتورتدیرلمش اولان اشیا کوسترلکده پکده خاطرنده دکلسه ده مذکور اشیا میاننده بولنان و اوزرنده قانه مشابه لکه اولان طونک تمهلردن قوش اوغلی حسینک و کذک اوزرنده قان لکه سی کبی برلکه بولنان نیتنک دخی سودجی کاملک اقامتکاهلردن ظهور ایش اولدیغنی و اسلحه دن بر مقدار ایله ریوولورونک سودجی کاملک و بر مقدار دخی قوش اوغلی حسینک خانلردن بولدیغنی کبی بر عدد قان دخی ولی اوغلی مصطفی نک اوزرندن چیقدیغنی سویلیکله رجائی افندی تمهلرک هر کسک خانه و امانتکاهلردن ظهور ایدن اشیا حقهده اصولاً بر ضبطنامه طوتنامش اولدیغندن بونلری بر برر قومیسر شا کر بکک تعریف ایتسی لازمکله جکنی و قومیسر مومی الیه دخی اره دن وقت یکدیکی جهتلا در خاطر ایده میسوب اوراده دیگر آدلر دخی موجود اولدیغندن پکده هر کسک خانه سندن ظهور ایدن اشیا باقه مدیغنی و بونلرک پوصله سی اوراق تحقیقه میاننده بولنده جنی طبیعی ایلیوکنی درمیان ایتلریله مذکور اشیا حقهده استنطاقنامه نک نهایتنده محرر اولان دفتر بالقراه تمهلردن کاملک اوطه سندن بر عدد عسکر افرادینه مخصوص پولت و بر عدد دروننده بش عدد قور شونی موجود ریوولور و بر عدد مع قین بیاض صابلی بچاق و بر عدد اوزری دم لکه سنه مشابه اولان بیاض پاموقلی

نیتن و اون التي عدد ریوولور قور شونی و ایکی عدد طوزاق باغی و اوج قطعه نفوس تذکره سی و درت پارچه کهنه عسکر نیتنی و قوش اوغلی حسینک خانه سندن دخی بر عدد کهنه سیاه چاکت و بر عدد مملونک طبانجه و بر عدد اوزرنده دم لکه سنه مشابه لکه لی بیاض طون و بر عدد صغیر پارچه چانطه سی و بر عدد نک تفنک و مرقوم حسینک اولوب بقال دیمتری و کریم اغالردن ایدلرندن اخذ اولنه رق امانه تسلیم ایلیلان سکر عدد ایرای عثمانی و کنقریلی علی اوغلی مصطفانک اوطه سندن مع قین بر عدد قان و مرقومک اولوب بقال دیمتری بندن اخذ ایله دآره امانته تسلیم اولنان ایکی عدد لیرای عثمانی ایله اوچیوز قرق یدی غروش سیم مجیدی و مهاجر قره حسنک اوطه سندن دخی بر عدد چقماقلی طبانجه و قرق اوج عدد وینچیستر قور شونی و بر عدد سیاه قبضه لی بچاق ظهور ایلیدیکی محرر اولوب لیدی السؤال قومیسر شا کرک دخی اشبو پوصله مدرجاتنی تصدیق و طون ایله نیتنده کی لکه لری دخی ارانه ایلیدی پولیس قومیسری علی رضا افندی دخی تمهلردن قره حسنک خانه سنک حین تحریرسنده بر عدد اسکی چقماقلی نک طبانجه ایله بر عدد اورته مادی بچاق و قرق دانه قدر وینچیستر فشنکاری ظهور ایتدیکی و خفیه عبدالله اغادخی قره حسنک خانه سندن مذکور اسلحه و فشنکار ظهور ایتدیکی کبی قوش اوغلی حسینک

اوطه سندن نک طبانجه و اسلحه و اشیا سی سآره ایله قپوسی اوکندن دخی نیتن پارچه لری و کاملک اقامتکاهلردن بر عدد ریوولور و اشیا سی سآره چیقدیغنی بیان و مدعی عمومی مومی الیهک و قوعه بولان طلبنه مینی لیدی الاستیضاح قوش اوغلی حسینک خانه سندن چیقاریلان طون ایله کاملک اقامتکاهلرده بولنان نیتنک لکه لری بولدقزنی حالده ایلیوکنی بعد المعاینه درمیان ایلیدی تمهلردن کامل و قره حسن دخی افادات مذکور هینی تصدیق و کامل خانه سندن ظهور ایدن نیتنی قاینی کتوردیکنی و ولی اوغلی مصطفی دخی یالکز بر قنای اولوب صساتون المش اولدیغنی اقرار و اعتراف ایلیدیلمر چو ملکچی پراشکوه دخی بوبابده اصلا معلوماتی اولدیغنی سویلیکله بالطه لیسانی و قوعاتی کیچه سی ساعت اوج راده لرنده اوطه سنه کیدوب سیغاره کاغدی ایستدیکنی تمهلردن سودجی کامل بیان ایتکده اولدیغندن مرقومک افاده سی صحیح اولوب اولدیغنی صورله دکده کندوسی لیلله مذکورده کاملک افاده سی وجهله ساعت اوج راده لرنده اوطه سنه کیدوب سیغاره کاغدی ایستدیکنی و انجق اول کیچه دکاندن کلوب یمک یه رنک یا ندیغنی سویلیدی کنقریلی خلیل دائی دخی کذک معلوماتی اولدیغنی سویلیکله تمهلردن کامل خانه سندن ظهور ایدن نیتنک قاینی طرف سندن کتوردیکنی و بالطه لیسانی و قوعاتی کیچه سی کندوسیله ساعت اوج قدر

اوتوردیغنی سولیکده اولدیغندن بوباده معلوماتی هر نه ایسه بیان ایتمسی اخطار اولدوقده مرقوم خلیل دائی عدم معلومات بیان ایتمکله مدعی عمومی مومی الیه خالد بک اشیای مذکوره میانده بولسان لکه لی طون ایله نیتنک اوزرنده می لکه لک قان اولوب اولدیغنی بالتخلیل اکلاشلیق اوزره مکتب طبیه ارسالنی طلب ایتمدیکنندن ولدی التامل طلب واقع یجا کورندیکندن اشیای مذکورنک اوزرنده بولسان لکه لری بالتخلیل نتیجه سنک اشعاری ضمنده مکتب طبیه شاهانه نظارت علیه سنه ارسالنه بالاتفاق قرار ویرله رک تفهیم اولندی

قهوه جی حسن چاوش دخی جاجی محمد افندیك متهملردن کامله یتش غروشه بر ریوولور صاندیغنی والی غروشنی الوب یکر می غروشنی المدیغنی قهوه خانه سنده سولش او لدیغندن بیلدیکنی وبوندن ماعداه معلوماتی اولدیغنی سولیکله وکیللردن کر قور افندیك طلب واقعه بناه بو متهملر ایله مخبر لوجه لی حسن افندی بی برارده قهوه خانه سنده کورمش اولوب اولدیغنی مرقوم حسن چاوشدن صورلدوقده عدم معلومات بیان ایتمکله وکیللردن رجائی افندی دخی قهوه خانه سنک شکل ووضعیتی حسن چاوشه تعریف ایتمدیلمسی طلب ایتمدیکنندن بوجهت دخی مرقوم حسن چاوشدن صورلدوقده قهوه خانه سنک ایکی قپوسی واوکننده بقیچه اولوب پنچره لک اوکی دخی آدم اوتورمق اوزره

بیکه بولندیغنی بیان وافاده ایتمکله وسادت دخی اونره کلیمکله بوباده کی دوام محاکمه نک شهر شباطک برنجی بازار ابرتسی کونه تعلیمی اولندیغندن یوم مذکورده ساعت بش راده لرنده حاضر بولملری لزومی طرفینه اخطار اولدوقده وکیللردن امین بک متهملرک پاره لری امانته خط ایتمک اوزره تسلیم ایتمک لری تاریخ لری بقالاک قید ایتمسی طبیعی بولندیغندن بولرک صورت صحیحده بیلیمسی ضمنده دفترندن قیدینی چیقاره رق یوم مذکورده کتورمسی بقال دیمتری به تنبیه ایلمسی ورجائی وخاجیک افندیلر دخی مخبر لوجه لی حسن افندی ایله رفیق محمد ومخبر کنگریلی سلیمان بن کاملدن بعض استیضاح ایده جک لری شیلری اولدیغندن مرقومونک دخی یوم مذکورده کتوردملرینی طلب ایتملرله بقال دیمتری به وکیل امین افندیك طلب ایلمدیکی دفترده کی قید صورتنی کتورمسی ومرقومون حسن افندن ایله محمد وکنگریلی سلیمان یوم مذکورده حاضر بولملری لزومی اخطار وتفهیم بیلدی مابعدی وار

- (کر ماستی قضا سنک قره بیکار قره سنده مسکون)
- (مهاجریندن وطلبه علومدن موسی ومصطفی)
- (افندیلرک مسلحاً یولارینی کسه رک معلوم المقدار)
- (اچقه واشیارینی اخذ وغصب وبواشاده)
- (مصطفی افندی بی جرح و قتل ایتمکله مظنون)
- (علیه ومتهم اولان ادرمید قضا سنک جاجی دکرمانی)
- (قره سی جوارنده خیمه نشین نخته جی عشرتندن)
- (حسن اوغلی عبدی ورفقاسی حق لرنده)
- (قره سی بدایت محکمه سی جزاداره سنده اجرا)
- (قلنان محاکمه قانونیه نک ضبط نامه سنندن مابعد)

جهت جزائی لری دخی لدی المذاکره مجرمیتلرینه قرار ویریلان منهلردن عبدی ایله اشقیبا محمدک حرکت لری قانون مذکورک التمش ابکنجی ماده سنک ذیلنه موافق بولندیغنه و ذیل مذکورده دخی طاغ لرده وقره لرده مسیح اولدقلری حالده راست کلدک لری بولجیلری طوتوب صومیق فضیحیه سی ارتکاب ایدن اشخاص که قطاع طریق تسمیه اولنور بومقوله ل حال وصف لری نه ودرجه شقاوت لری نه کوره موقت ویا خودمؤبد کورک جزاسیله مجازات اولنور فقط ایچلرندن بوجنایتده سابقه لووشقاوت مستمره اصحابندن اولنور ویا خود طوتوقلری اشخاصه اشکنجه وغدارانه صورته اذیت ایدنلر ویا قطع طریق یولنده آدم اولدیرمش بولنانلرک اعداملرینه حکم اولنور دیو محرر بولندیغندن اکا توفیقاً متهملردن عبدی ومحمدک جزای اعدامله مجازات اولنملرینه و دیگر قره محمدله خلیل ایقاع اولنان قتل فعلنده مرقومانه معاوتده بولندقلری تحقیقات

واقعه دن اکلاشلدیغندن انلرکده حرکت متحقق لری قانوننامه مذکورک بویتمش بشنجی ماده سنه ماس وموافق کورلدیکنه وماده مذکورده دخی معین قاتل اولان کیسه موقناً کورکه قونیلور دیو محرر بولندیغنه بناء وبدایت تاریخ توفیق لرندن اعتباراً اون طهوزنجی ماده موجبجه بعدالت شهر قره محمدک ٢٧ شعبان سنه ٣٠٣ تاریخندن اعتباراً بش وخلیلک دخی ٢٦ شعبان سنه ٣٠٣ تاریخندن معتبر اولمق اوزره اوج سنه مدتلرله کورکه قونلرینه ومتوفی مصطفی افندیك پدری عثمان افانک قصاص اداساننده بولندیغندن بوجهتک دخی محکمه شرعیه به حواله سنه دائر مدعی عمومیلک مقامنه تذکره تسطیرینه وپوزغروشدن درتوز غروش اعلام وسکسان غروش استنطاق وقرق غروش ضبط خرج لری نک مرقومونک ترکه لری نه مراجعتله اخذ واستفا اولنورق عدلیه وزنه سنه اعطاسنه بیک اوچیوز بش سنه سی رجبنک اون دردنجی وپیک اوچیوز درت سنه سی مارتک اون دردنجی بازار ابرتسی کونی قرار ویرله رک تبلیغ ومتن قانون قرائت اولندی وبردیه جک لری وار ایسه سکز کون طرفنده بر لایحه ویره بیله جک لری محکوم علیه لره تفهیمله محبسده اعاده لری طرف ریاستدن امر ایلدی اصول محاکمه جهه معین اولان معاملات اکیال ایلدی

فی ١٤ رجب سنه ٣٠٥
وفی ١٤ مارت سنه ٣٠٤

اعلان

عراقیه جی حاجی جعفر انا محله سنده اقامت ایتدیکنی خبرورن قسطمونیلی شاکر انا ایله اجد انا میانه لرنده متحدت سرقه دعواسنک اکل محاکمه سی ضمنده تنظیم وارسال قلنان جلبنامه اوزرینه مرقوم شاکرک غیوبت ایلدیکی خبرورلمش و محاکمه نك جریان حزرانك طقوزنجی پنجشنبه کونی ساعت درته اسکدار بدایت محکمه سنده مقرر بولندیغندن مرقوم شاکرک یوم مذکورده حاضر بولنمسی و عکس تقدیرده اصول محاکمات جزاییه قانون موقتک یوزیتمشنجی ماده سی حکمنجه حقنده علناً معامله غیاییه اجرا اولنه جغی و اصول محاکمه حقوقیه قانون موقتک یکریمی التجی ماده سنه توفیقاً تنظیم قلنان جلبنامه محکمه دیوانخانه سنه تعلیق قلندیغی اعلان اولنور

فی ۳ رمضان سنه ۳۰۵

و فی ۲ مایس سنه ۳۰۴

اوج یوز اوج سنه سی آغستوس اون دردیجی جمعه کونی فری قریه سنه اسماعیل افندیکنک

ماندیره سنده خدمتجیلک ابدن یکده لی سعیدی قتل قصدیه جرح ایلدیکی ادعا قلمسندن طولایی مظنون علیه اولان بک اوغلنده ساقز آغاچنده مزارلق جوارنده برکبه ده ساکن اورته بویلی مائی کوزلی صاری بیق و قاشلی اوزنجه یوزلی و بغدادیسی چهره لی بیچوان خلیلک فرار ایتسندن و اجرا قلنان تحقیقات اوزرینه جنایتله اتهامه هیئت اتهامیه جه قرار ویرلسندن ناشی اصول محاکمات جزاییه قانون موقتک اوچ یوزیتش برنجی ماده سی موجبجه معامله مقتضیه قانونیه ایفا و محاکمه علنیه غیاییه سی اجرا قلندرق قانون جزانک یوز سکسانجی ماده سنه توفیقاً اوج سنه مدته کورکه قونلسنه و اوتوز برنجی ماده قانونیه موجبجه حقوق مدینه دن بالاسقاط اموالنک جزینه محکمه جنایتدن غیاباً حکم اولنش و قانون موقت مذکورک اوچ یوزیتش بدنجی و اوچ یوزیتش سکرنجی و اوچ یوز سکسان برنجی ماده لریله مواد سازه سی احکامنه توفیق معامله اولنمسی مرجعه بیلبرلمش اولغله اعلان کیفیته ایتدار اولنور

فی ۲۸ شعبان سنه ۳۰۵

و فی ۲۷ نیرسان سنه ۳۰۴

اسکدارده عراقیه جی حاجی محمد انا محله سنده قائم انا زقاغنده ساکنه ایدوکنی خبرورن زنجیه قدم خیرنادینک

غیوبت ایلدیکی محله سی اماهی طرفندن ویرلان شرح ما لندن اکلاشلش و محاکمه نك اجرایی اشبو حزرانك طقوزنجی پنجشنبه کونی ساعت درته مقرر بولنش اولدیغندن مزوره قدخیر قادینک یوم مذکورده محکمه ده حاضر بولنمسی و بولنه مدیغی تقدیرده اصول محاکمات جزاییه قانون موقتک یوزیتمشنجی ماده سی حکمنجه حقنده علناً معامله غیاییه اجرا اولنه جغی و اصول محاکمه حقوقیه قانون موقتک یکریمی التجی ماده سنه توفیقاً تنظیم قلنان جلبنامه محکمه دیوانخانه سنه تعلیق قلندیغی اعلان اولنور

فی ۲۷ شعبان سنه ۳۰۵

و فی ۲۶ نیرسان سنه ۳۰۴

فرهبت اغانک نیغوص ذمتنده باعلام اله جغی اولان مبالغت تأمین استیفاسی ضمنده مدیون موسی الیهک مالی اولوب قاضی قریه سنده ریخیم بو یونده عزیزیه زقاغنده و کوشه باشنده طقوز اوطه وایکی طاش حولی و یوز الی ارشون مقداری باغجه و اشجار مثمره و غیر مثمره لی و بر عدد بر مائی ایکی نومرولی بر باب خانه نك عند المزایده لیرا یوز غروش حسا بیله او توز اوج بیک یوز

غرو شده نالی عهده سنده تقرر ایلش اولدیغندن تاریخ اعلاندن اعتباراً اوتوز بر کون ختامنده قرار قطعیمی ویرله چکنندن یوزده بش ضمیمه زیاده به طالب اولنلرک اسکدار بدایت محکمه سی اجرا دآره سنه مراجعت ایللمی اعلان اولنور

فی ۹ مایس سنه ۱۳۰۴

حسنی افندیکنک $\frac{۳۰۵}{۸۱}$ نومرولو اعلام موجبجه خنیفه خانم دینی اولان معلوم المقدار مبالغت تسوییه سی ضمنده قاسم پاشا ده جامع کبیر محله سنده ترشجی محله سنده ایکی نومرولی بر باب ترشجی کد کنده متصرف اولدیغی اوتوز ایکی سهم کد کدن اون ایکی سهم حصه شایعه سنک تاریخ اعلاندن اعتباراً اون بش کون صکره بلزایده فروخت ایتدیریله جکی بک اوغلی بدایت محکمه سی اجرا موریتی جانبدن اعلان اولنور

فی ۱۶ مایس سنه ۳۰۴

رژى اداره سنك در سعادت بدايت محكمه سى
 ايكنجى جزا دائره سندن صادر اولان اعلام
 موجبجه توتون چاقچيسى مصطفى افانك ذمتنده
 جزاى نقدين طولايى الاجنحى بولنان مبالغ
 معلومه نك تا مينا استيفاسيچون مديون مرقومك
 كندى مالى اولوب وقوعبولان طلب واستدعا
 اوزرينه تحت حجزه الديريلان بر رأس بار كير
 اوچبوز درت سنه سى ميسنك اون در دنجى
 جمع ايرتسى كوني اسب بازارنده بالمزايده فروخته
 تشبث اولنه جغندن طالب اولنلك محل مذكوره
 مراجعت ايلرى در سعادت اعلامات نظاميه
 اجرا دائره سندن اعلان اولنور

۹ ميس سنه ۳۰۴

عرضه ده كار كير اوله رق ميني و فوقه ده بر باب
 او طه يى مشتمل اوتوز يدى نومروايله مرقم بر باب
 قهوه دكانى مع او طه نك نصف ملك و نصف
 كديكنده كى ثلث حصه شايعه سى بوندن اول
 مزايده به قونيله رق ليرا بوز غروش حسابيله
 اوچبيك اللى غرو شده طالبى اوزرنده تقرر ايتمش
 اولديغندن يوزده بش ضميمه بوندن دهها زياده به
 طالب اولنلك و دهها زياده معلومات المن استيانلك
 اشبو تاريخ اعلانن اعتباراً اوتوز بر كون
 ظرفنده در سعادت اعلامات شرعيه اجرا
 دائره سنه مراجعت ايلرى

۳۰۴ ميس سنه ۳۰۴

خديجه خانك باب والى سر عسكرى ايكنجى
 شعبه كتبه سندن نعمان افندى ذمتنده قاسم پاشا
 محكمه شرعيه سندن ويريلان فى ۲۱ شوال سنه
 ۳۰۴ تاريخلى بر قطعه اعلام شرعى موجبجه
 مديون مومى اليهك متوفى پدرى قهوه جى ابوب
 افانك انتقالاً متصرف اولوب تحت حجزه
 بولنان زيرك قربنده شاه خوبان محله سنك زيرك
 جاده سندنه واقع تخميناً سكسان ذراع عتيق